

PAPURAU BUSNES

DYDD IAU, 11 IONAWR 2001

RHAN 1 – ADRAN A

AGENDA

Bydd y Cyfarfod yn dechrau am 9.05am

Cwestiynau i Mike German, y Gweinidog dros Ddatblygu Economaidd (15 munud)

Mae rhestr o'r Cwestiynau Llafar ar y Fewnrwyd (a Gwe'r Siambr)

Cwestiynau ar Gyllid i Edwina Hart, y Gweinidog dros Gyllid, Llywodraeth Leol a

Chymunedau (15 munud)

Mae rhestr o'r Cwestiynau Llafar ar y Fewnrwyd (a Gwe'r Siambr)

Dadl ar ail broses ymgynghori Rhoi Cymunedau'n Gyntaf

Cynnig bod y Cynulliad Cenedlaethol:

- Yn croesawu cyhoeddi ail bapur ymgynghori Rhoi Cymunedau'n Gyntaf (sydd ar gael ar y fewnrwyd ar: http://assembly/aegis/Subject%20Index/Housing/Housing_Dept/Consultation/comfirst/CF2main_e.htm ac a ddosbarthwyd i Aelodau'r Cynulliad dros yr ebost ar 3 Ionawr 2001) sy'n rhestru cynigion cadarn ar gyfer rhoi'r rhaglen ar waith ac sy'n gofyn i awdurdodau lleol a'u partneriaid enwi cymunedau i'w cynnwys yn y rhaglen.
- Yn cymeradwyo Rhoi Cymunedau'n Gyntaf fel y ffordd ymlaen i sicrhau cymunedau cynaliadwy wedi'u grymuso mewn ardaloedd tan anfantais gymdeithasol ddifrifol ac yn gwahodd aelodau i gynnig eu sylwadau ar y cynigion a nodir yn y ddogfen.
- Yn croesawu'r cynnydd yn y cyllid at ddibenion Cymunedol yng Nghyllideb y Cynulliad.
- Yn gwahodd pob pwyllgor pwnc i drafod y pwyntiau ymgynghori a godir yn y ddogfen.
- Yn nodi y caiff canlyniadau'r ymgynghori eu cyflwyno ger bron Cyfarfod Llawn.

Mae'r gwelliannau canlynol wedi eu cyflwyno:

Yn unol â'r canllawiau ar Grwpio, Dewis a Gwrthod Gwelliannau, mae'r Llywydd wedi penderfynu grwpio'r gwelliannau fel a ganlyn at ddibenion trafodaeth - ond bydd y pleidleisiau yn cael eu cymryd yn unigol.

(1)+(3)+(4)+(6)+(8)

(2)+(5)+(7)+(9)

1. William Graham (Dwyrain De Cymru):

Dileer y pwynt bwled cyntaf, gan roi pwynt bwled newydd yn ei le, sef:

- Yn croesawu cyhoeddi ail bapur ymgynghori Rhoi Cymunedau'n Gyntaf, gan nodi ei fod yn dangos ein bod yn dal i fynd ar drywydd strategaeth datblygu cymunedol ar gyfer Cymru.

2. Jocelyn Davies (Dwyrain De Cymru):

Yn yr ail bwynt bwled, dileer popeth ar ôl "... mewn ardaloedd tan anfantais ddifrifol ac..."

gan roi'r canlynol yn ei le "yn cydnabod mai'r cymunedau eu hunain ddylai arwain mentrau, ac y dylent gael eu cyflwyno mewn partneriaeth."

3. William Graham (Dwyrain De Cymru):

Ychwaneger ail bwynt bwled newydd:

- Yn gresynu nad ymgorfforwyd canfyddiadau'r broses ymgynghori gyntaf ynghylch cymorth gan y sector preifat i adfywio cymunedau.

4. William Graham (Dwyrain De Cymru):

Ychwaneger trydydd pwynt bwled newydd:

- Yn gresynu na sylweddolwyd bod y gostyngiad mewn incymau ffermydd wedi cael effaith ddofn ar anfantais gymdeithasol mewn ardaloedd gwledig ac nad yw'r amgylchiadau newydd hyn yn cael eu hadlewyrchu yn y papur ymgynghori.

5. Jocelyn Davies (Dwyrain De Cymru):

Llunier pwynt bwled tri newydd ac ail rifo'r pwyntiau sy'n weddill yn unol â hynny

- Yn gwahodd yr Aelodau i gyflwyno sylwadau am y cynigion a nodir yn y ddogfen hon, ac yn galw ar y Weithrediaeth i roi ystyriaeth lawn i'r materion sy'n cael eu codi

6. William Graham (Dwyrain De Cymru):

Dileer y trydydd pwynt bwled presennol, gan roi pwynt bwled newydd yn ei le, sef:

- Yn nodi bod angen i'r ymrwymiad yng nghyllideb y Cynulliad i gyllido cymunedau fod yn gliriach ynghylch y mesurau i sicrhau gwelliannau cynaliadwy yn y cymunedau sy'n cael eu dewis ar gyfer y rhaglen hon.

7. Jocelyn Davies (Dwyrain De Cymru):

Ychwaneger ar ddiwedd y trydydd pwynt bwled gwreiddiol "ac yn cydnabod bod angen cyllid dros gyfnod hwy ar gynlluniau cymunedol llwyddiannus."

8. William Graham (Dwyrain De Cymru):

Ychwaneger pedwerydd pwynt bwled newydd:

- Yn nodi bod diffyg hyblygrwydd i ymateb i newidiadau yn y cymunedau hynny sydd heb gael eu dewis ar gyfer y rhaglen, er enghraifft, cyflogwr o bwys yn gadael cymuned.

9. Jocelyn Davies (Dwyrain De Cymru):

Ychwaneger pwynt bwled 5 newydd

- Yn cydnabod bod y dulliau o ariannu projectau cymunedol yn gymhleth, a bod nifer cynyddol o "bartneriaethau" yn cael eu creu, ac mae'n galw ar y Pwyllgor Cymunedau, Llywodraeth Leol a Thai i gynnal adolygiad er mwyn sicrhau bod y systemau hyn yn rhai effeithlon.

Dadl Fer: (i bara am 30 munud)

Brian Gibbons (Aberafan); Beth ellid ei wneud i helpu'r diwydiant dur yng Nghymru

Disgwylir i'r cyfarfod ddod i ben erbyn 12.35pm

Cynhelir Cyfarfod Llawn nesaf y Cynulliad am

2.00pm ddydd Mawrth, 16 Ionawr 2001

J W Lloyd

Clerc y Cynulliad

